

# Lozcwngz: Baijyienj “Feihvuzciz Vwnzva Yizcanj”

## 罗城：“非物质文化遗产”展风采

6 nyied 14 hauh, dwg guk raeuz daih 9 aen “ngoenz vwnzva yizcanj”. Lozcwngz Mulajcuz Swciyen youq ndaw yienh gawjbanh feihvuzciz vwnzva yizcanj baijyienj hozdung. Dinfwngz dajsiuq、diuq foux lungzfiengz、ywdoj、dajsan daengj gij feihvuzciz vwnzva daegsaek hanghmoeg Mulajcuz neix youq gwnz hozdung caeuq vunzlai raennaj, sawj gyoengq ginzcong ndaej caennadang depgyawj feihyiz vwnzva, son gij cihsiz baujhoh feihvuzciz vwnzva yizcanj hawj ginzcong. Dangqnaj, Lozcwngz vatgud cingileix le 1015 aen feihvuzciz vwnzva yizcanj hanghmoeg, dinfwngz dajsiuq Mulajcuz、diuq foux lungzfiengz Mulajcuz ndaej lied haeuj swegih gaep “feihvuzciz vwnzva yizcanj” baujhoh mingzloeg, Mulajcuz ciet yihfancez ndaej lied haeuj gukgya buek daih’ it “feihvuzciz vwnzva yizcanj” baujhoh mingzloeg.

(Mungz Swhcwngh/蒙增师)



▲ Gyoengqvunz diuq foux lungzfiengz.



▲ Gyoengq mehmbwk guh dajsiuq.



► Dawsau dawz doxgaiq dajsiuq hawj vunz yawj.

## Nazboh: Cietbauqva Ndeiyawj Raixcaix

### 那坡：“花炮节”丰富多彩

Moix bi ciet ngxnyied co’ ngx, hix dwg aen “cietbauqva” conzdungj Nazboh Yen Lungzhoz Yangh. “Cietbauqva” conzdungj Lungzhoz Yangh dwg aen hawmih ndeu. Guh hozdung ngoengzde, banhaet, gyoengq ginzcong ram giuhlungz caeuq 5 aen ranzbauqva, bae youz mbanj youz gai, gyoengqvunz cuengq bauq angqcoux ranzbauq, coemh yieng caeq ranzbauq, gouz baujyoh bingzan. Banringzgaq, cij guh foux saecej ciengj bauqva hozdung. Cuengq bauqva faen baenz 5 baez cuengq, moix baez daiyauj gij hamzeiq cungj mbouj doxdoengz, bous ciengj ndaej aen doxgaiq gitleih ndaw bauqva haenx, mboujdanh ndaej ciengj ngaenz, caemh siengcwngh ngoenzlaeng vuenyungz gitleih, saehsaeh swnhsim.

(Bwzswz)



▲ Gyoengqvunz ciengj bauqva nauhyied raixcaix.



▲ Bauqva hoengzfwdfwd.



▲ Daegmbauq ak dwk ciengj ndaei aen bauqva.

## Dangzhungz Cunghsinh Yau Dax-dax Gangj Gojgaeq Vahcuengh

### 上林县塘红乡中心校举办小学生讲标准壮语故事比赛

Vihliux senj boux hagseng youhsiu bae camgya daihsam gaiq daengx gih siujhagseng yungh byauhcuinj Vahcuengh gangj gojgaeq doxdax bineix 10 nyied Swcigih Gyauryz Dingh gawjbanh neix. Ndwen gonq, Sanglinz Yen Dangzhungz Cunghsinh Yau guh byauhcuinj Vahcuengh gangj gojgaeq doxdax, gungh miz 7 aen siujyoz 21 boux hagseng daeuj camgya doxdax. Doxdax laeb it, ngeih, sam daengj ciengj gak 7 boux.

Youq doxdax seiz, gak boux hagseng cungj yungh byauhcuinj Vahcuengh raeuzradrad gangj gij goj ndei saeh ndei ranzmabanj swheij, ndaej daengz saeseng dopfwngz haenhndei.

2013 nienz, Dangzhungz Cunghsinh Yau ndaej Swcigih Gyauryz Dingh nyinhdingh guh Cuengh Gun song saw vah sonhag sifan gihi daeuj, hagdangz mboujduenh caezcienz guenleix, gyagiengz song saw vah sonhag guenleix, lauxsaed guh ndei hong song saw vah sonhag, ceng’ aeu dawz hong Cuengh Gun song saw vah guh ndaej engqgya ndei.

(Lanz Cwng Fanz Gvanghminj/蓝政 樊光敏)



▲ Dah neix gangj gojgaeq raeuzradrad.



▲ Seiq nienzgaep hagseng Lanz Mozfeih aeu ndaej itdaengj ciengj.



◀ Gyoengq hagseng ndaej ciengj haenx caeuq lauxsae hab’ ingj louz-niemh.